

FICHA TÉCNICA DO ROTEIRO

NOME

ITINERARIO NATURAL E CULTURAL POLA PARROQUIA DE PONTE SAMPAIO

SITUACIÓN

Ponte Sampaio (Pontevedra) Coordenadas UTM29T:
X Mínima = 532.000, X Máxima = 535.000, Y Mínima = 4.682.550, Y Máxima = 4.688.500

ACCESOS

Principais: desde a N-550, tomar no PK 133 a estrada provincial PO-264 ata a ponte de Ponte Sampaio, ou desde o núcleo urbano de Arcade a EP- 2909 en dirección norte. Outros: desde A Comboa (Soutomaior), A Canicouva (Pontevedra), Ponte Caldelas

LONXITUDE

18 km 449 m = 18.449 m (distancia reducida medida sobre plano incluídas a ida e a volta das dúas derivacións). 2 km 808 m = 2.808 m

TIPO DE ROTEIRO

Circular con 2 derivacións e 1 variante con derivación. Pequeno percorrido (PR segundo FEDME)

PUNTO PARTIDA/ CHEGADA

A ponte de Ponte Sampaio / A ponte de Ponte Sampaio

PERCORRIDO
(núcleos)

A Ponte, O Vilar, O Rañadoiro e Acevedo

DIFICULTADE

Media

TEMPO ESTIMADO²

4 horas e 37 minutos roteiro principal e ida e volta das dúas derivacións sen a variante.

DESNIVEL MÁXIMO

270 m

TIPO DE FIRME

Asfalto, formigón, camiños empedrados e terra.

PROPIEDADE

Camiños públicos de propiedade municipal, camiños privados de propiedade vecinal e 80 m por servidume de paso entre particulares (na variante, no Portovedro, entre os fitos 35 e 36).

CONEXIÓN

P.R.G 48 - EntreRías e Camiño Portugués a Santiago

SERVIZOS

2 áreas de descanso, 1 fonte de auga potábel e 2 zonas de baño (praia fluvial do Verdugo-Oitavén e lugar do Pozo Negro).

² Duración sen paradas a un paso medio

Sinalización



Camiño

O **Camiño** é un vieiro para a descuberta de moitas construcións populares e paisaxes naturais e culturais de grande beleza. Unhas están en relación directa co ser humano, tanto na súa orixe como na función e contexto; é o caso dos cruceiros, petos de ánimas, pontes... cuxa existencia só se pode entender en relación cunha vía de tránsito. Outras localízanse en relación co roteiro, pero non por elo forman parte del, senón que nos axudan a comprender o seu papel como organizador do territorio e modos de vida tradicionais. Por último existen elementos cuxa presenza pode ter lugar á marxe da existencia dunha vía de comunicación pero que aportan ao vieiro valor histórico, ecolóxico, paisaxístico, etc...

O inicio e final do roteiro sitúase na ponte de Ponte Sampaio, de aí o seu sentido circular. Partido do inicio do roteiro, o sentido ideal para percorrelo é visitando primeiro os elementos de interese do núcleo da Ponte, circunstancia que convida a continuar co roteiro en dirección ao Vilar, logo polo Rañadoiro, e posteriormente por Acevedo para finalmente voltar ao punto de saída.

